

摘藻堂四庫全書薈要

集部

欽定四庫全書薈要

集部

御選歷代詩餘卷九

詳校官編修臣汪鏞

欽定四庫全書薈要

御選歷代詩餘卷九目錄

四十四字

菩薩蠻

李白

溫庭筠 十四首

南唐李煜 二首

和凝

韋莊 二首



牛嶠 七首

歐陽炯 三首

魏承班 二首

尹鶚 三首

毛熙震 三首

李珣 二首

孫光憲 五首

馮延巳 八首

林楚翹

耿玉真

無名氏

李師中

謝絳

王安石

晏幾道

六首

蘇軾

黃庭堅 二首

秦觀 二首

陳師道 二首

賀鑄

孫洙

舒亶 九首

趙令時 二首

孫棧

蘇庠 四首

張表臣

謝逸

周邦彥

晁端禮 二首

陳克 三首

沈會宗

蔡伸

葉夢得

曾紆

趙師俠

三首

呂本中

湯思退

康與之

曾覲

辛棄疾

三首



范成大 二首

張孝祥 二首

姚寬 二首

程垓 三首

朱熹 二首

魏了翁

袁去華 三首

趙彥端

管鑑

劉儼 二首

黃機

嚴仁

趙善扛 三首

盧祖皋

高觀國 五首

史達祖

韓流

洪璫 二首

楊澤民

陳以莊

黃昇 二首

吳文英

石孝友

張桂

樓扶

史介翁

僧祖可

魏氏  
三首

朱淑真  
二首

孫道緬

盧摯

劉因

蕭漢傑

張翥

拜住

王璉

陸祖先

劉基  
二首

楊基  
二首

陳淳

王世貞

徐渭

王錫爵

湯顯祖

錢繼登

錢繼章

沈懋德

僧妙聲

葉小鸞二首

御  
選  
歷  
代  
詩  
餘  
卷  
九  
目  
録



欽定四庫全書薈要卷二萬六百八十七

集部

御選歷代詩餘卷九

四十四字

菩薩蠻

雙調四十四字唐開元時南詔入貢危髻金冠瓊瑤珞被體號菩薩蠻因以製曲宋隊舞亦有此名楊慎改蠻作髮一名重疊金一名子夜歌一名女王曲一名花間意一名巫山一片雲皆後來更名平仄叶韻處稍有異同然體則一也李太白作為千古傳詞平仄宜悉從之

菩薩蠻

李白

平林漠漠煙如織寒山一帶傷心碧暝色入高樓有人

樓上愁 闌干空佇立 宿鳥歸飛急 何處是歸程 長亭  
更短亭

前調

溫庭筠

小山重疊金明滅 鬢雲欲度香腮雪 嬾起畫蛾眉 弄妝  
梳洗遲 照花前後鏡 花面交相映 新貼繡羅襦 雙雙  
金鷓鴣

前調

溫庭筠

水晶簾裏玻璃枕 暖香惹夢鴛鴦錦 江上柳如煙 鴈飛

殘月天 藕絲秋色淺人勝參差翦雙鬢隔香紅玉釵  
頭上風

前調

溫庭筠

牡丹花謝鶯聲歇綠楊滿院中庭月相憶夢難成背  
燈半明 翠鈿金壓臉寂寞香閨掩人遠淚闌干燕飛  
春又殘

前調

溫庭筠

南園滿地堆輕絮愁聞一霎清明雨雨後却斜陽杏花

零落香 無言勻睡臉  
枕上屏山掩時節欲黃昏無慘  
獨倚門

前調

溫庭筠

寶函銅雀金鷄  
鴻沉香閣上吳山碧楊柳又如絲  
驛橋  
春雨時 畫樓音信斷  
芳草江南岸鸞鏡與花枝  
此情誰得知

前調

溫庭筠

玉樓明月長相憶  
柳絲裊娜春無力  
門外草萋萋送君

聞馬嘶 畫樓金翡翠香燭銷成淚花落子規啼綠牕  
殘夢迷

前調

溫庭筠

翠翹金縷雙鷓鴣水紋細起春池碧池上海棠梨雨晴  
紅滿枝 繡衫遮笑靨煙草黏飛蝶青瑣對芳菲玉闌  
音信稀

前調

溫庭筠

蕊黃無限當山額宿妝隱笑紗牕隔相見牡丹時暫來

還別離  
翠釵金作股  
釵上蝶雙舞  
心事竟誰知  
月明

花滿枝

前調

溫庭筠

杏花含露團香雪  
綠楊陌上多離別  
燈在月朧明覺來

聞曉鶯  
玉鈎褰翠幙  
妝淺舊眉薄  
春夢正闌情鏡中

蟬鬢輕

前調

溫庭筠

鳳凰相對盤金縷  
牡丹一夜經微雨  
明鏡照新妝  
鬢輕

雙臉長  
畫樓相望久  
闌外垂絲柳  
音信不歸來  
社前  
雙燕回

前調

溫庭筠

夜來皓月繞  
當午重簾悄悄  
無人語  
深處麝煙長  
卧時  
留薄妝  
當年還自惜  
往事那堪憶  
花露月明殘  
錦衾  
知曉寒

前調

溫庭筠

雨晴夜合玲瓏  
日萬枝香  
裊紅絲拂  
閒夢憶  
金堂滿庭

萱草長 繡簾垂  
翠綉眉黛遠  
山綠春水渡  
溪橋凭闌  
魂欲消

前調

溫庭筠

竹風輕動  
庭除冷珠簾  
月上玲瓏影  
山枕隱濃妝  
綠檀金鳳凰  
兩蛾愁黛淺  
故國吳宮遠  
春恨正闌情  
畫樓殘點聲

前調

溫庭筠

玉纖彈處  
真珠落流多  
暗濕鉛華薄  
春露浥朝華  
秋波



浸晚霞 風流心上物本為風流出看取薄情人羅衣  
無此痕

前調

南唐李煜

尋春須是先春早看花莫待花枝老縹色玉柔擎醅浮  
殘面清 何妨頻笑粲禁院春歸晚同醉與閒評詩隨  
疊鼓成

前調

南唐李煜

蓬萊院閉天台女畫堂晝寢無人語拋枕翠雲光繡衣

聞異香 潛來珠鎖動驚覺鴛鴦夢慢臉笑盈盈相看  
無限情

前調

和 凝

越梅半拆輕寒裏冰清澹薄籠藍水暖覺杏梢紅遊絲  
狂惹風 閒階莎徑碧遠夢猶堪惜離恨又迎春相思  
難重陳

前調

韋 莊

紅樓別夜堪惆悵香燈半捲流蘇帳殘月出門時美人

和淚辭 琵琶金翠羽絃上黃鶯語勸我早歸家綠牕  
人似花

前調

韋莊

人人盡說江南好遊人只合江南老春水碧於天畫船  
聽雨眠 壚邊人似月皓腕凝霜雪未老莫還鄉還鄉  
須斷腸

前調

韋莊

如今却憶江南樂當時年少春衫薄騎馬倚斜橋滿樓

紅袖招 翠屏金屈曲醉入花叢宿此度見花枝白頭  
誓不歸

前調

牛嶠

綠雲鬢上飛金雀愁眉斂翠春煙薄香閣掩芙蓉畫屏  
山幾重 牕寒天欲曙猶結同心苴啼粉沈羅衣問郎  
何日歸

前調

牛嶠

舞裙香暖金泥鳳畫梁語燕驚殘夢門外柳花飛玉郎

猶未歸 愁勻紅粉淚 眉翦春山翠 何處是遼陽錦屏  
春晝長

前調

牛 嶠

柳花飛處鶯聲急 晴街春色香車立 金鳳小簾開 臉波  
和恨來 今宵求夢想 難到青樓上 贏得一場愁 鴛衾  
誰並頭

前調

牛 嶠

畫屏重疊巫陽翠 楚神尚有行雲意 朝暮幾般心 向他

情漫深 風流今古隔虛作瞿塘客  
山月照山花夢回  
燈影斜

前調

牛嶠

玉鑪冰簟鴛鴦錦粉融香汗流  
山枕簾外轆轤聲斂眉  
含笑驚 柳陰煙漠漠低鬢蟬  
釵落須作一生判盡君  
今日歡

前調

牛嶠

玉釵風動春幡急交枝紅杏籠煙泣  
樓上望卿卿寒牕

新雨晴 熏爐蒙翠被 繡帳鴛鴦睡 何處最相知 羨他  
初畫眉

前調

牛 嶠

風簾燕舞鶯啼柳 妝臺約鬢低 纖手釵重髻 盤珊一枝  
紅牡丹 門前行樂客 白馬嘶春色 故故墜金鞭 回頭  
應眼穿

前調 冬宴

歐陽炯

紅爐暖閣佳人睡 隔簾飛雪添寒氣 小院奏笙歌 香風

簇綺羅 酒傾金盞滿 蘭燭重開宴 公子醉如泥 天街  
聞馬嘶

前調

歐陽炯

翠眉雙斂 新妝薄香 閨斜卷青羅幙 寒食百花時 紅繁  
香滿枝 雙雙梁燕語 蝶舞相隨去 腸斷正思君 閒眠  
冷繡茵

前調

歐陽炯

畫屏繡閣 三秋雨香 脣膩臉偎人 語語罷欲天明 嬌多



夢不成  
曉街鐘鼓絕  
嗔道如今別  
特地氣長吁  
倚屏  
彈淚珠

前調

魏承班

羅裾薄薄秋波染  
眉間畫得山  
兩點相見綺筵時  
深情  
暗共知  
翠翹雲鬢動  
斂態彈金鳳  
宴罷入蘭房  
邀人  
解佩璫

前調

魏承班

羅衣隱約金泥畫  
璫筵一曲當  
秋夜聲顫覩人嬌  
雪鬢

媚翠翹  
酒熏紅玉軟  
眉翠秋山遠  
繡幌麝煙沉  
誰人  
知兩心

前調

尹鷲

隴雲暗合秋天白  
俯牕獨坐窺煙陌  
樓際角重吹黃昏  
方醉歸  
荒唐難共語  
明日還應去  
上馬出門時  
金鞭  
莫與伊

前調

尹鷲

嗚嗚曉角調如語  
畫樓三會喧雷鼓  
枕上夢方殘  
月光

鋪水寒 蛾眉應斂翠 咫尺同千里 宿酒未全消 滿懷  
離恨饒

前調

尹鶚

錦茵間襯丁香枕 銀釭落盡猶慵寢 顚坐徧紅爐 誰知  
情緒孤 少年狂蕩慣 花曲長牽絆 去便不歸來 空教  
駿馬回

前調

毛熙震

繡簾高軸臨塘看 雨翻翻荷葉 真珠散殘暑 晚初涼 輕風

度水香 無憀悲往事爭奈牽情思光景暗相催等閒  
秋又來

前調

毛熙震

梨花滿院飄香雪高樓夜靜風箏咽斜月照簾帷憶君  
和夢稀 小牕燈影背燕語驚愁態屏掩斷香飛行雲  
山外歸

前調

毛熙震

天含殘碧融春色五陵薄倖無消息盡日掩朱門離愁

暗斷魂

鶯啼芳樹暖燕拂回塘滿寂寞對屏山相思

醉夢間

前調

李 珣

迴塘風起波紋細刺桐花裏門斜閉殘日照平蕪雙雙  
飛鷓鴣 征帆何處客相見還相隔不語欲魂銷望中  
煙水遙

前調

李 珣

隔簾微雨雙飛燕砌花零落紅深淺捻得寶箏調心隨

征擢遙  
楚天雲外路動便經年去香斷畫屏深舊歡  
何處尋

前調

孫光憲

月華如水籠香砌金環碎撼門初閉寒影墜高簷鈎垂  
一面簾  
碧煙輕裊裊紅顫燈花笑即此是高唐掩屏  
秋夢長

前調

孫光憲

青蟲碧洞經朝雨隔花相喚南溪去一隻木蘭船波平

遠浸天  
扣舷驚翡翠嫩玉擡香臂紅日欲沉西煙中  
遙解攜

前調

孫光憲

小庭花落無人埽疎香滿地東風老春晚信沉沉天涯  
何處尋  
曉堂屏空兩眉共湘山遠爭奈別離心近來  
尤不禁

前調

孫光憲

花冠頻鼓牆頭翼東方澹白連牕色門外早鶯聲背樓

殘月明 薄寒籠醉態依舊鉛華在握手送人歸半拖  
金鏤衣

前調

孫光憲

木棉花映叢祠小越禽聲裏春光曉銅鼓與蠻歌南人  
祈賽多 客帆風正急茜袖偎檣立極浦幾回頭煙波  
無限愁

前調

馮延巳

梅花吹入誰家笛行雲半夜凝空碧敲枕不成眠關山



人未還  
聲隨幽怨絕空斷  
澄霜月月影下重簷輕風  
花滿簾

前調

馮延巳

金波遠逐行雲去  
疎星時作銀河渡  
花影臥秋千更長  
人不眠  
玉箏彈未徹  
鳳髻橫釵脫  
憶夢翠蛾低  
微風吹繡衣

前調

馮延巳

畫堂昨夜西風過  
繡簾時拂朱門鎖  
驚夢不成雲雙蛾

枕上顰 金爐煙嫋嫋 燭暗紗牕曉 殘月尚彎環 玉笋  
和淚彈

前調

馮延巳

回廊遠砌生秋草 夢魂千里青門道 鸚鵡怨長更 碧籠  
金鎖橫 羅幃中夜起 霜月清如水 玉露不成圓 寶箏  
悲斷弦

前調

馮延巳

嬌鬟堆枕釵橫鳳 溶溶春水揚花夢 紅燭淚闌干 翠屏

煙浪寒。錦壺催畫箭。玉佩天涯遠。和淚試嚴妝。落梅  
飛夜霜。

前調

馮延巳

西風嫋嫋。凌歌扇。秋期正。與行雲遠。花葉脫。霜紅流螢  
殘。月中。蘭閨人在。否千里。重樓暮。翠被已銷。香夢隨  
寒漏長。

前調

馮延巳

沉沉朱戶。橫金鎖。紗牕月影隨。花過燭。淚欲闌干。落梅

生晚寒 寶釵橫翠鳳千里香屏夢雲雨已荒涼江南  
春草長

前調

馮延巳

敬鬟墮髻搖雙槳采蓮晚出清江上顧影約流萍楚歌  
嬌未成 相逢顰翠黛笑把珠璫解家住柳陰中畫橋  
東復東

前調

林楚翹

畫堂春畫垂珠箔臥來揉惹金釵落簟滑枕頭移鬢蟬

狂欲飛  
笑拖嬌眼慢羅袖  
籠花面重道好郎君  
人前  
莫惱人

前調

唐女郎

耿玉真

玉京人去秋蕭索  
畫簷鵲起梧桐  
落敲枕悄無言  
月和  
清夢圓  
背燈惟暗泣  
甚處砧聲急  
眉黛遠山攢  
芭蕉  
生暮寒

前調

無名氏

牡丹含露真珠顆  
美人折向庭前過  
含笑問檀郎  
花強

妾貌強  
檀郎故相惱  
須道花枝好  
一面發嬌嗔  
碎按  
花打人

前調

李師中

子規啼破城樓月  
畫船曉載笙歌發  
兩岸荔枝紅萬家  
煙雨中  
佳人相對泣  
淚下羅衣濕  
從此信音稀  
嶺南  
無鴈飛

前調

詠自

謝

絳

娟娟侵鬢妝  
痕淺雙眸相  
媚嚬如翦  
一瞬百般宜  
無端

笑與啼 酒闌思翠被特故普騰地生怕促歸輪微波  
先注人

前調

王安石

數間茆屋間臨水窄衫短帽垂楊裏花是去年紅吹開  
一夜風 稍稍新月偃午醉醒來晚何物最關情黃鸝  
三兩聲

前調

晏幾道

來時楊柳東橋路曲中暗有相期處明月好姻緣欲圓

還未圓 却尋芳草去畫扇遮微雨飛絮莫無情閒花  
應笑人

前調

晏幾道

春風未放花心吐尊前不擬分明語酒色上來遲綠鬢  
紅杏枝 今朝眉黛淺暗恨歸時遠別後月當樓相逢  
南陌頭

前調

晏幾道

嬌香淡染胭脂雪愁春細畫彎彎月花月鏡邊人淺妝



勻未成 佳期應有在 試倚鞦韆待滿地 落英紅萬條  
楊柳風

前調

晏幾道

香蓮燭下勻丹雪 妝成笑弄金堦月 嬌面勝芙蓉 臉邊  
天與紅 玳筵催疊鼓 喚上華裯舞 春淺未禁寒 暗嫌  
羅袖寬

前調

晏幾道

哀箏一弄湘江曲 聲聲寫盡湘波綠 纖指十三絃 細將

幽恨傳  
當筵秋水慢  
玉柱斜飛鴈  
彈到斷腸時  
春山  
眉黛低

前調

晏幾道

江南未雪梅花白  
憶梅人是江南客  
猶記舊相逢  
澹煙  
微月中  
玉容長有信  
一笑歸來近  
懷遠上樓時  
晚雲  
和鴈低

前調

蘇軾

買田陽羨吾將老  
從來只為溪山好  
來往一虛舟  
聊隨

物外遊 有書仍懶著水調歌歸去筋力不辭疲要須  
風雨時

前調

黃庭堅

半煙半雨溪橋畔漁翁醉著無人喚疎嬾意何長春風  
花草香 江山如有待此意陶潛解問我去何之君行  
到自知

前調

黃庭堅

輕風裊斷沉煙炷霏微盡日寒塘雨殘繡沒心情鳥啼

花外聲 離愁難自制年少乖盟誓寂寞掩朱門羅衣  
空淚痕

前調

秦觀

金風簌簌驚黃葉高樓影轉銀蟾匝夢斷繡簾垂月明  
烏鵲飛 新愁知幾許渾似絲千縷鴈已不堪聞砧聲  
何處却

前調

秦觀

蟲聲泣露驚秋枕羅幃淚濕鴛鴦錦獨臥玉肌涼殘更

與恨長  
陰風翻翠幔  
雨澀燈花暗  
畢竟不成眠  
鴉啼

金井寒

前調

七夕  
二首

陳師道

倚樓小小穿鍼女  
秋光點點蛛絲雨  
今夕是何宵  
龍車  
烏鵲橋  
經年謀一笑  
豈解令人巧  
不用問如何  
人間  
巧更多

前調

陳師道

銀潢清淺填烏鵲  
畫簷急雨長河落  
初月未成圓  
明星

惜此筵 愁來無斷絕 歲歲年年別 不用淚紅滋 年年  
歲歲期

前調

賀 鑄

厭厭別酒商歌送 蕭蕭涼葉秋聲動 小泊畫橋東 孤舟  
月滿篷 高城遮短夢 衾藉餘香擁 多謝五更風 猶聞  
城裏鐘

前調

孫 洙

樓頭尚有三通鼓 何須抵死催人去 上馬苦匆匆 琵琶

曲未終 回頭凝望處那更廉纖雨漫道玉為堂玉堂  
今夜長

前調

舒 亶

畫船搥鼓催君去高樓把酒留君住去住若為情江頭  
潮欲平 江潮容易得只是人南北今日此尊空知君  
何日同

前調

舒 亶

柳橋花塢南城陌朱顏綠髮長安客雨後小池臺尋常

戴酒來 馬頭今日路却望城西去斜日下汀洲斷雲  
和淚流

前調

舒 亶

樓前流水西江道江頭水落芙蓉老畫鼓疊涼波凭闌  
顰翠蛾 當年金馬客青鬢蘆花色把酒感秋蓬驪歌  
半醉中

前調

舒 亶

小亭露壓風枝動鵲爐火冷金瓶凍悄悄對西牕瘦知



羅帶長 欲眠思殢酒坐聽寒更久無賴是青燈開花  
故故明

前調

舒 亶

白蘋洲渚垂楊岸藕花未放青蒲短斜日畫船歸背人  
雙鷺飛 醉眠金馬客不道風塵隔紅影上牕紗小庭  
空落花

前調 茶

舒 亶

金船滿引入微醉紅綃籠燭催歸騎香泛雪盈杯雲籠

疑夢回 不辭風滿腋  
舊是仙家客空得夜無眠  
南牕  
念枕寒

前調

舒亶

江梅未放枝頭結  
江樓已見山頭雪  
待得此花開  
知伊  
來不來  
風帆雙畫鷁  
小雨隨行色  
空得鬱金裙  
酒痕  
和淚痕

前調

舒亶

綠牕酒醒春如夢  
小池猶見紅雲動  
露濕井榦桐  
翠陰

生細風 雨過方塘淨  
清晝閒中永門外立雙旌  
隔花聞笑聲

前調

舒亶

憶曾把酒當紅翠  
舞腰柳弱歌聲細  
縱馬杏園西歸來  
香滿衣 寶車金犢  
駐事逐孤鴻去搔首立江干  
春蘿挂暮山

前調

趙令時

輕鷗欲下春塘浴  
雙雙飛破春煙綠  
兩岸野薔薇翠籠

熏繡衣 凭船閒弄水中有相思意憶得去年時水邊

初別離

前調

趙令時

春風試手先梅蕊  
穎姿冷豔明沙水  
不受衆芳知  
端須月與期  
清香間自遠  
先向釵頭見  
雪後燕瑤池  
人間第一枝

前調

落梅

孫 棧

一聲羌笛吹嗚咽  
玉溪夜半梅翻雪  
江月正茫茫  
斷橋

流水香 含章春欲暮 落日千山雨 一點著枝酸 吳姬  
先齒寒

前調

再至西岡  
兼懷後湖

蘇庠

短船誰泊蒹葭渚 夜深遠火明漁浦 却憶槿花籬 春聲  
穿竹溪 雲山如昨 好人自垂垂 老心事有誰知 月明  
霜滿枝

前調

同彥達  
舟中作

蘇庠

眼中疊疊煙中樹 晚雲點點翻荷雨 鷗泛渚邊煙 綠蒲

秋滿川 未成江海去聊作林塘主客恨濶無津風斜  
白氎巾

前調

澧陽庄

蘇庠

照溪梅雪和煙墮寒林漠漠愁煙鎖客恨渺無涯鴈來  
人憶家 遠山疑帶雨一線雲間語霜月又嬋娟江南  
若箇邊

前調

蘇庠

園林寂寂春歸去濛濛柳下飄香絮野水接雲橫綠煙

啼曉鶯  
江南鷓鴣夢  
山色歸來重  
小艇小灣頭  
蘋花  
蘋葉舟

前調

張表臣

垂虹亭下扁舟住  
松江煙雨長橋暮  
白苧聽吳歌佳人  
淚臉波  
勸傾金盞落莫作思家惡  
綠鴨與鱸魚如何  
可寄書

前調

謝逸

縠紋波面浮鷓鴣  
蒲芽出水參差碧  
滿院落花香柳梢

初弄黃 衣輕紅袖皺春困花枝瘦睡起玉釵橫隔簾  
聞曉鶯

前調

周邦彥

銀河宛轉三千曲浴息飛鷺澄波綠何處望歸舟夕陽  
江上樓 天憎梅浪發故下封枝雪深院捲簾看應憐  
江上寒

前調 回文  
二首

晁端禮

捲簾風入雙雙燕燕雙雙入風簾捲明月曉啼鶯鶯啼



曉月明 斷腸空望遠 遠望空腸斷 樓上幾多愁 愁多  
幾上樓

前調

晁端禮

遠山眉映橫波 臉臉波橫 映眉山遠 雲鬢插花 新新花  
插鬢雲 斷魂離思 遠遠思離魂 斷門掩未 黃昏昏黃  
未掩門

前調

陳克

赤闌橋盡 香街直 籠街細柳 嬌無力 金碧上晴空 花晴

簾影紅

黃衫飛白馬日日朱樓下  
醉眼不逢人午香

吹暗塵

前調

陳克

池塘淡淡浮鷓鴣杏花吹盡垂楊碧  
天氣度清明小園  
新雨晴 綠牕描繡罷笑語茶蘼下  
圍坐賭青梅困從  
雙臉來

前調

陳克

綠蕪牆繞青苔院中庭日淡芭蕉卷  
蝴蝶上堦飛風簾

自在垂 玉鈎雙語燕  
寶玦揚花轉幾處  
簸錢聲綠牕  
春夢輕

前調

沈會宗

落花迤邐層陰少  
青梅競弄枝頭小  
江色雨和煙  
行人江那邊  
好花都過了  
滿地空芳草  
落日醉醒間  
一春無此寒

前調

蔡伸

杏花零落清明雨  
卷簾雙燕來還去  
枕上玉芙蓉  
暝香

堆鏡紅 翠翹金鈿雀蟬鬢慵梳掠心事一春閒黛眉  
顰遠山

前調

湖光亭  
晚集

葉夢得

平波不盡蒹葭遠清霜半落沙痕淺煙樹晚微茫孤鴻  
下夕陽 梅花消息近試向南枝問記得水邊春江南  
別後人

前調

月夜

曾紆

山光冷浸清溪底溪光直到柴門裏卧對白蘋洲敲眠

數釣舟 溪山無限好 恨不相逢早 老眼獨醒多 其如  
良夜何

前調

春陵迎  
陽亭

趙師俠

西風又老 瀟湘樹翩翩 黃葉辭枝去 斜日澹雲籠 溪山  
煙靄中 危闌閒獨倚 穀浪連天際 殘角起 江城書空  
征鴈橫

前調

瑞蔭亭  
秋望

趙師俠

小春愛日 融融暝危亭 望處晴嵐滿 江淨綠迴環 橫陳

無際山 清霜欺遠樹黃葉風扶去試採嶺頭梅點紅  
開未開

前調

趙師俠

晚風斷送歸帆急重城回首天連碧猶有小樓情西山  
如舊青 故園今漸近應卜燈花信一喜一牽縈平分  
兩處心

前調

呂本中

客愁不到西池路殘春又逐花飛去今日傍池行新荷

昨夜生 故人千慮繞不道書來少去住隔關河長亭  
風雨多

前調

水月寺

湯思退

畫船橫絕湖波練更上雕鞍窮翠巘霜橘半垂黃征衣  
盡日香 鐘聲雲外聽金界青松映何處是華山峰巒  
杳靄間

前調

荷花

康與之

南軒面對芙蓉浦宜風宜月還宜雨紅少綠多時簾前

光景奇  
繩牀烏木几  
盡日繁香裏  
睡起一樽新  
與花  
為主人

前調

次韻春  
日即事

曾覲

杏花寒食佳期近  
一簾煙雨琴書潤  
砌下水潺潺  
玉笙吹暮寒  
楚臺雲易散  
往事尋思  
嬾花底醉相扶  
當時  
人在無

前調

賦摘  
阮

辛棄疾

阮琴斜挂香羅綬  
玉纖初試琵琶手  
桐葉雨聲乾  
珍珠



落玉盤 朱絃調未慣  
笑倩東風伴 莫作別離聲  
且聽雙鳳鳴

前調

分賦  
櫻桃

辛棄疾

香浮乳酪 玻瓈淺  
年年醉裏嘗 新慣何物比  
春風歌脣 一點紅  
江湖清夢斷 翠籠明光殿  
萬顆寫輕勻 低頭愧野人

前調

杏花

辛棄疾

東風約略吹羅幕  
一簷細雨春陰薄  
試把杏花看濕紅

嬌暮寒 佳人雙玉枕烘醉鴛鴦錦折得最繁枝暝香  
生翠帷

前調

范成大

雪林一夜收寒了東風恰向燈前到今夕是何年新春  
新月圓 綺叢香霧隔猶記醒狂客留取縷金幡夜蛾  
相並看

前調

范成大

春城辨得紅蕖了紅蕖未點春先到新月入新年方纔

今夜圓 雲屏誰為隔腸斷金釵客好語寫春幡都教  
席上看

前調

赴東鄰  
集戲作

張孝祥

庭葉翻翻秋尚晚砧聲敲月催金翦樓上已清寒不堪  
頻倚闌 鄰翁開社甕喚客情應重不醉且無歸醉時  
歸路迷

前調

張孝祥

雪消牆角收燈後野梅官柳春全透池閣又東風燭花

燒夜紅  
一尊留好客  
敲盡闌干月  
已醉不須歸  
試聽  
烏夜啼

前調

姚寬

斜陽山下明金碧  
畫樓返照融春色  
睡起揭簾旌  
玉人  
蟬鬢輕  
無言空佇立  
花落東風急  
燕子引愁來  
眉心  
那得開

前調

姚寬

夢中不記江南路  
玉釵翠鬢驚春去  
午醉晚來醒  
暝煙

花上輕紅綃空浥淚錦字憑誰寄衫薄暖香消相思  
雲水遙

前調

程垓

曉煙籠日浮山翠春風著水回川媚遠近碧重重人家  
山色中野花香自度似識幽人處安得著三間與山  
終日間

前調

程垓

淺寒帶暝和煙下輕陰挾雨隨風灑翠幕護重簾篆香

銷半箇 平生風雨夜怕近芭蕉下今夕定愁多蕭蕭  
聲奈何

前調

程垓

平蕪冉冉連雲綠斜陽襯雨明溪足小鴨睡晴沙翠烘  
三兩花 春光閒婉婉盡日無人見試著小屏山圖歸  
雲際看

前調

回文  
二首

朱熹

晚紅飛盡春寒淺淺寒春盡飛紅晚尊酒綠陰繁繁陰

綠酒尊 老仙詩句好好句詩仙老長恨送年芳芳年  
送恨長

前調

朱 熹

暮江寒碧紫長路路長紫碧寒江暮花塢夕陽斜斜陽  
夕塢花 客愁無勝集集勝無愁客醒似醉多情情多  
醉似醒

前調

壽江  
倅

魏了翁

東牕五老峰前月南牕九疊坡前雪推出侍郎山著君

卷九  
窗戶間 離騷鄉裏住恰記庚寅度挹取芷蘭芳酌君  
千歲觴

前調

袁去華

流蘇寶帳沉煙馥寒林小景銀屏曲睡起鬢雲鬆日高  
花影重 沉吟思昨夢閒抱琵琶弄破撥錯成聲春愁  
指下生

前調

杜省幹席上  
賦桃花菊

袁去華

木樨開徧芙蓉老東籬獨占秋光好還記笑春風新妝



相映紅  
莫嫌彭澤令不似劉郎韻  
把酒賦新詩  
花前知是誰

前調

袁去華

西風吹雨鳴庭樹  
嫩寒先到孤眠處  
愁極夢頻驚  
馬嘶天漸明  
千林楓葉赤  
寒事催刀尺  
樹杪又斜陽  
迢迢歸路長

前調

趙彥端

倚闌閒撚生綃扇  
新涼庭戶微風轉  
疎雨斷簷聲  
淡雲

開晚晴  
蔗漿寒浸齒  
枕簟清如水  
相憶不勝愁  
月來  
簾上鈎

前調

德興餞別  
座間作

管鑑

今日雲山堂上客  
明朝真箇雲山隔  
人不似行雲相隨  
長短亭  
堂空歌韻響  
清切緣雲上  
留住莫教飛  
怕如  
人別離

前調

效唐人  
閨怨

劉儼

吹簫人去行雲杳  
香篝繡被都閒了  
疊損縷金衣  
伊家

渾不知 冷煙寒食夜淡月梨花下猶自軟心腸為他  
燒夜香

前調

劉 儼

東風去了秦樓畔一川煙草無人管芳樹雨初晴黃鸝  
三兩聲 海棠花已謝春事無多也只有牡丹時知他  
歸不歸

前調

黃 機

惜山不厭山行遠山中禽鳥頻經見小雨似憐春霏霏

容易晴 青裙田舍婦  
饁餉前邨去 溪水想平腰  
喚船 依斷橋

前調

雙溪亭

嚴仁

征鴻點破空雲碧  
丹霞染出新秋色  
返照落平洲半江  
紅錦流 風清漁笛  
晚寸寸愁腸斷  
寄語笛休橫  
只消三兩聲

前調

春遊

趙善扛

楚宮楊柳依依碧  
遙山翠影橫波溢  
絕豔照穠春春光

欲醉人 纖纖芳草嫩  
微步輕羅襯  
花戴滿頭歸  
遊蜂  
花上飛

前調 春宵

趙善扛

一川花月青春夜  
玉容依約花陰下  
月照曲闌干  
紅綃  
浥露寒 袖香溫  
素手意怯金卮酒  
香遠繡簾開  
畫樓  
吹落梅

前調

趙善扛

玉關芳草黏天碧  
春風萬里思  
行客驕馬向風嘶  
道歸

猶未歸  
南雲新有鴈望眼愁邊斷膏沐為誰容倚樓  
煙雨中

前調

盧祖皋

翠樓十二闌干曲雨痕新染葡萄綠時節又黃昏東風  
深閉門  
玉簫吹未徹牕影梅花月無語只低眉閒拈  
雙荔枝

前調

蘇堤  
芙蓉

高觀國

紅雲半壓秋波碧豔妝泣露嬌啼色佳夢入僊城風流

石曼卿 宮袍呼醉醒休捲西風錦明日粉香殘六橋  
煙水寒

前調

水晶  
膾

高觀國

玉鱗熬出香凝軟并刀斷處冰絲顫紅縷間堆盤輕明  
相映寒 纖柔分勸處膩滑難停筋一洗醉魂清真成  
醒酒冰

前調

中秋

高觀國

何須急管吹雲暝高寒澹澹開金餅今夕不登樓一年

空過秋 桂花香霧冷 梧葉西風影 客醉倚河橋 清光  
愁玉簫

前調

咏雙心水仙

高觀國

雲嬌雪嫩 羞相倚 凌波共酌 春風醉的 皜玉臺寒 肯教  
金盞單 只疑雙蝶 夢翠袖和香 擁香外有鴛鴦 風流  
煙水鄉

前調

高觀國

春風吹綠 湖邊草 春光依舊 湖邊道 玉勒錦障 泥少年



遊冶時  
煙明花似繡且醉旗亭酒斜日照花西歸鴉

花外啼

前調

史達祖

梨花不礙東城月月明照見空闌雪雪底夜香微褰簾  
拜月歸 錦衾幽夢短明日南堂宴宴罷小樓臺春風  
來不來

前調

酒半  
戲成

韓流

秋光只共秋風老秋山却笑秋吟少恰恨有秋香青巖

秋夜涼  
清秋須是酒結客秋知否醉筆寫成秋一秋  
無復愁

前調

宿水

洪璫

斷虹遠飲橫江水萬山紫翠斜陽裏繫馬短亭西丹楓  
明酒旗  
浮生長客路事逐孤鴻去又是月黃昏寒燈  
人閉門

前調

湖上

洪璫

吳姬壓酒浮紅蟻少年未飲心先醉駐馬綠楊陰酒樓

三月春相看成一  
笑遺恨知多少  
回首欲魂銷  
長橋連短橋

前調

楊澤民

吟風敲遍闌干曲  
極目澄江千頃綠  
長笛下扁舟一聲  
人倚樓  
牀頭醉正發  
帳底人如雪  
月色夜來看  
可堪霜信寒

前調

陳以莊

舉頭忽見衡陽鴈  
千聲萬字情何限  
耐薄情夫一行

書也無  
泣歸香閣恨和淚淹紅粉待鴈却回時也無  
書寄伊

前調

黃昇

南山未解松梢雪西山已挂梅梢月說似玉林人人間  
無此清  
此身元是客小住娛今夕拍手凭闌干霜風  
吹鬢寒

前調

立秋

黃昇

西風半夜驚羅扇蛩聲入夢傳幽怨碧藕試初涼露痕

啼粉香 清冰凝簟竹不許雙鴛宿又是五更鐘鴉啼

金井桐

前調

吳文英

綠波碧草長堤色東風不管春狼籍魚沫細痕圓燕泥  
花唾乾 無情牽怨抑畫舸紅樓側斜日起凭闌垂楊  
舞曉寒

前調

石孝友

雪香白盡江南隴暖風綠到池塘夢疊影上檐明夜潮

春水生 踏青何處去楊柳橋邊路不見浣花人汀洲  
空白蘋

前調

張桂

東風急驟無人見玉塘煙浪浮花片步濕下香堦苔黏  
金鳳鞵 翠鬟愁不整臨水閒窺影摘得野薔薇遊蜂  
相趁歸

前調

樓扶

絲絲楊柳鶯聲近晚風吹過秋千影寒色一簾輕燈殘

夢不成  
耳邊消息在  
笑指花梢待  
又是不歸來  
滿庭  
花自開

前調

史介翁

柳絲輕颺  
黃金縷織成  
一片紗  
牕雨鬪合  
做春愁  
困慵  
熏玉篝  
暮寒羅袖薄  
社雨催花落  
先自為詩忙  
薔薇  
一陣香

前調

僧祖可

誰能畫取  
沙邊雨  
和煙澹  
埽蒹葭  
渚別岫  
却斜暉  
采蓮

人未歸 鴛鴦如解語對浴紅衣去去了更回頭教儂  
特地愁

前調

宋媛  
魏氏

溪山掩映斜陽裏樓臺影動鴛鴦起隔岸兩三家出牆  
紅杏花 綠楊堤下路早晚溪邊去三見柳綿飛離人  
猶未歸

前調

魏氏

東風已綠瀛洲草畫樓簾捲清霜曉清絕北湖梅滿枝



花未開 長天音信斷又見南歸鴈何處是離愁長安  
明月樓

前調

魏氏

紅樓斜倚連谿曲樓前谿水凝寒玉蕩漾木蘭船船中  
人少年 荷花嬌欲語笑入鴛鴦浦波上暝煙低菱歌  
月下歸

前調

梅

宋媛

朱淑真

濕雲不斷溪橋冷嫩寒初透東風影橋下水聲長一枝

和雪香  
人憐花似舊  
花比人應瘦  
莫凭小闌干  
夜深  
花正寒

前調

朱淑真

山亭水榭秋方半  
鳳幃寂寞無人伴  
愁悶一番新  
雙蛾只舊顰  
起來臨繡戶  
時有疎螢度  
多謝月相憐  
今宵不忍圓

前調

宋媛

孫道絢

闌干六曲天圍碧  
松風亭下梅梢白  
臘盡見春回  
寒花

驚又開 曲瓊閒不捲 沉菴孤星轉 凝佇小徘徊 雲間  
征鴈來

前調

盧 摯

市橋煙柳春如畫 小樓明月吳山下 把酒聽君歌 可人  
良夜何 舊遊新夢斷 月落西山遠 江上數峰青 寄聲  
徐孺亭

前調

湖上  
即事

劉 因

樓前曲浪歸橈急 樓中細雨春風濕 終日倚危闌 故人

湖上山 高情渾似舊只枉東風瘦薄晚去來休裝成  
一段愁

前調

春雨

蕭漢傑

春愁一段來無影著人似醉昏難醒煙雨濕闌干杏花  
驚蟄寒 唾壺敲欲破絕叫憑誰和今夜久添衣那人  
知不知

前調

張翥

郎情秋後蕭疎葉妾心陌上悠揚蝶何處望歸鞍暮雲

山外山 梨花新月下 獨自燒香罷 惟有夢相尋 驚鳥啼夜深

前調 秋千

拜住

紅繩畫板柔荑指 東風燕子雙雙起 誇俊與爭高 更將裙繫牢 牙牀和困睡 一任金釵墜 推枕起來遲 紗牕月上時

前調 題黃子久溪山雨意圖

王璉

青山不趁江流去 數點翠收林際雨 漁屋遠 縹緲煙邨

半有無 一峰飛醉墨秋與天爭碧淨洗綺羅塵一巢  
栖亂雲

前調

題趙松雪  
水邨圖

陸祖先

當年圖畫知何處如今身向滄洲住吾亦愛吾廬芸牕  
幾卷書 青山天際小目送飛鴻杳試問釣魚船蘆花  
淺水邊

前調

越城  
晚眺

劉基

西風吹散雲頭雨斜陽却照天邊樹樹色蕩湖波波光

豔綺羅 征鴻何處起  
點點殘霞裏 月上海門山  
山河 莽蒼間

前調

集句贈野人

劉基

林中獨酌鄰家酒 門前學種先生柳  
灌木自悲吟風泉 清道心  
獨行潭底影 蟬噪林逾靜  
渡口欲黃昏 殘陽歸掩門

前調

花邊夜宿

楊基

瀟湘門外春江水 小紅樓子臨江起  
樓下是誰家 一株

含笑花 蘭舟休遠去只就花邊住花影上牙檣夢魂

今夜香

前調

梨花月

楊基

水晶簾外娟娟月梨花枝上層層雪花月兩糝糊隔簾  
看欲無 月華今夜黑全見梨花白花也笑姮娥讓他  
春色多

前調

山園

陳淳

山中寂靜無人到松筠滿眼平生好讀罷古人書一樽



聊自如 忽聞山鳥語絕勝歌仙侶醉醒月明時鳥還  
人不知

前調

太白  
酒樓

王世貞

高樓百尺攀星漢東秦十二誇雄觀野曠覺天低天迴  
海樹齊 誰教狂李白獨起千秋色而我亦歌呼乾坤  
一酒徒

前調

閨人  
纖趾

徐渭

千嬌更是羅鞵淺有時立在秋千板板已窄稜稜猶餘

三四分 紅絨剛半索繡滿幫兒  
雀莫去踏香堤遊人  
量印泥

前調

飲邨舍

王錫爵

翠屏疊疊知多少小橋斜去西流  
遠茅屋幾人家桃花  
和李花 疎籬遮短短撲鼻香醪  
滿燕子一雙低樽前  
墜濕泥

前調

湯顯祖

赤闌橋盡香街直牡丹風外垂楊  
碧疊損縷金衣相逢

憔悴時 黃衫騎白馬 日日青樓下 金彈惜流鶯 留他

歌一聲

前調

索笑軒  
送梅

錢繼登

梅花未忍辭 春去風風雨 雨情難住曉 起採芳叢瓊瑤  
一半空 可憐塵世事 聚散皆如是 莫用苦匆匆 銜杯  
風雨中

前調

移情檻雨  
中獨坐

錢繼章

桃香衫氣來 何處好風吹 過隨風去 小雨細如絲 幽人

薄醉時 闌干間倚佇深意誰同語忽有玉人來雙雙  
白鷺迴

前調 江遊

沈懋德

江聲洶洶魚龍老雲情煙色從空繞千里一扁舟看完  
無限秋 蘋花隨浪急白鷺迎風立獨有倚樓人凝眸  
語不聞

前調

僧妙聲

白雲滿地迷行路溪流百折無由渡水上見胡麻有人

雙浣沙 仙家知己近  
失喜驚相問  
渡口碧桃開  
郎君何處來

前調

明媛

葉小鸞

輕煙一抹連天碧  
簾前規月和煙白  
翠竹落梅疎  
相憐雪霽初  
博山香欲燼  
風透紗牕冷  
四望寂寥寥  
閒階花影搖

前調

葉小鸞

秋聲又到梧桐井  
半廊花霧籠  
虛影試喚侍兒來  
紗牕

帶月開  
浮光憐露葉  
暗草蛩淒切  
何事獨愁予  
新詞  
吟未如



御選歷代詩餘卷九



總校官庶吉士 臣 張能照

校對官檢討 臣 王福清

謄錄監生 臣 單勉中